



ҚАЗАҚСТАН ҰЛТТЫҚ БАНКІ

№35 БАСПАСӨЗ РЕЛИЗИ

Ескерткіш монеталарды айналысқа шығару туралы

2017 жылғы 8 қараша

Алматы қ.

Қазақстан Республикасының Ұлттық Банкі 2017 жылғы 8 қарашада «Есте қалатын оқиғалар мен біртуар адамдар» монеталар сериясынан номиналы 100 теңгелік нейзильбер қоспасынан А. Ғалымбаеваның 100 жылдығына арналған ескерткіш монеталарды айналысқа шығарады.



Айша Ғалымбаева (1917-2008) – Қазақстанның халық суретшісі, алғашқы кәсіби қазақ суретшісі. Айша Ғалымбаева Шоқан Уәлиханов атындағы Мемлекеттік сыйлықтың лауреаты, «Құрмет белгісі» және Еңбек Қызыл Ту ордендерінің иегері болып табылады. Айша Ғалымбаеваның өнердегі айрықша еңбегін бағалай отырып, Меценаттар клубы оған 2002 жылы «Тарлан» тәуелсіз сыйлығын тағайындады.

Монетаның бет жағында (аверсінде) орталық бөлігінде Қазақстан Республикасының елтаңбасы бейнеленген. Төменгі бөлігінде «100» деген сан және монетаның номиналын білдіретін «ТЕҢГЕ» деген жазба орналасқан. Сол және оң жақтағы секторда ұлттық ою-өрнек элементтері бір-біріне қарама-қарсы бейнеленген. Айналысқа мемлекеттік тілде «ҚАЗАҚСТАН РЕСПУБЛИКАСЫ» және орыс тілінде «РЕСПУБЛИКА КАЗАХСТАН» деген жазба орналасқан. Жоғары бөлігінде Қазақстан Республикасы Ұлттық Банкінің логотипі орналасқан.

Монетаның сырт жағында (реверсінде) Қазақстанның халық суретшісі Айша Ғалымбаеваның бейнесі, сурет салуға арналған палитра және суретші жұмыстарының бірі орналасқан. Айналысқа мемлекеттік тілде «А. ҒАЛЫМБАЕВА» деген жазба, оның туған жылын білдіретін «1917» деген сан және соғылған жылын білдіретін «2017» деген сан орналасқан.

Монеталардың бет және сырт жағындағы бейнелер мен жазбалар бедерленген. Айналысқа шығыңқы жиек жүргізілген.

Қыры (гурты) бедерлі.

Монеталар нейзильбер қоспасынан дайындалған, диаметрі – 31 мм, массасы – 11,17 грамм, таралымы – 10 мың дана.

Монеталардың дизайны Қазақстан Республикасы Президентінің 2003 жылғы 25 қыркүйектегі № 1193 Жарлығымен бекітілген Қазақстан теңгесі – ұлттық валюта банкноттары мен монеталары дизайнының тұжырымдамасына сәйкес әзірленген.

Нейзильбер қоспасынан жасалған ескерткіш монеталары жақсартылған сапамен дайындалған және сату үшін арнайы полиграфиялық орауға салынған.

Ескерткіш монеталарды «Қазақстан Республикасы Ұлттық Банкінің Қазақстан теңге сарайы» шаруашылық жүргізу құқығындағы республикалық мемлекеттік кәсіпорны дайындаған.

Монеталарды Қазақстан Республикасы Ұлттық Банкінің барлық филиалдарында сатып алуға болады. Алматы қаласында мына мекенжай бойынша: Панфилов көшесі, 98.

Толығырақ ақпаратты мына телефон бойынша алуға болады:

+7 (727) 2704 585

e-mail: press@nationalbank.kz

www.nationalbank.kz